

段錦以付於汝後之君子以我為是非是鑒幸鑒

御風註曰既生吾身便有主宰意也意曰土屬脾神管押善惡皆自意中而生意上曰立中曰日下曰心音為之意也立為中宮為土空器金胎空處純乎先天之炁也炁生理理生性生元神神即神室室即為天地之根其實不過一炁耳日為離離為心心為性性為陽火也下曰心心為偃月之爐心亦赤赤為囊裏朱砂也聚斂元神神室丹鼎鼎為空器器生微芒白光白光純金也金為乾乾為純剛剛為輪輪為行健自強不息也中宮天五生土為虛土也無其爻有其位成數十為陰土兩五共十已成之數乘地也地生萬物萬物而無終窮中涵微芒之炁其玄脾為鑛鐵鐵色黑黑為血血為陰號五方之陰土也凡召將召雷發遣兩目微微博上則脾神兩頭亦翹企則中宮玄關發現神光獨露意從脾發起此一點乃是天地始祖之炁也一念

自脾而生流於心心為神之使也心乃神之舍心得此一點之光為善為惡為淫為慾靈明皎潔為仙為佛皆心役之也吾能知祖炁之源流捉住一點真炁則天地之王宰返聽心所役使為怒為兇為惡虧其天道來為下鬼

道法會元卷之六十九

正一天師清微師 洪百堅 製作  
道教學術資訊網站

道法會元卷之七十

女珠歌

侍宸靈慧冲虛妙道真君王文輝撰  
雷霆散吏紫清真人海瓊白玉蟾註

大道無言

道本無言多言損炁收炁存神惜精愛已  
內鍊成丹外用成法神炁散亂法不靈也  
閉息內觀

閉息者外無所入內無所出內觀者無一  
毫之雜念目視泥丸舌挂上腭神炁自然  
來往閉息則炁聚內觀則神凝

天罡運轉

天罡心也以心運諸炁動陽則陽報動陰  
則陰報運轉五行常朝上帝斡旋造化顛  
倒陰陽隨機而應

七曜芒寒

七曜者在天北斗也在人眼耳鼻口七竅  
若能關閉七竅則七曜光芒交射氣逆渾  
身汗出頭腦之上亦汗炁如雲始合造化  
五星相聯

五星金木水火土在人乃心肝脾肺腎閉  
息內觀五炁自聚炁滿泥丸方朝上帝  
還統泥丸

泥丸萬神會約之所乃上帝所居行功之  
際還炁自尾閭上度夾脊雙關直至泥丸

方得天翻地覆晴雨隨機

水火交射

水腎火心水陰火陽陰陽相剝水火相攻

雷電交作

金木相剋

金肺木肝金能剋木木為震震為雷以酉

兌之金剋東震之木故雷聲也

金水相生

金肺水腎金能生水水從金生以金生水

以水剋火乃金水輔太陽祈雨之妙也

木火相得

木肝火心木能生火火從木而生以木生

火火乃祈晴祈風之竅也

土為意神

金木水火相生相剋土者不動諸炁無土

不能聚會不能生發土脾也意也脾神乃  
使者但水年戌月不必祈雨還則本身犯  
祖諱也達道者不為也

隨炁生剋

諸炁無土不能造化隨炁生剋者如祈雨

金水相生木火相得動雷金木相剋是也

風火雷電

風者巽也火者心也雷者膽炁也電亦火

也

雨晴雪雹

雨者腎水也運動自己陰海之炁遍滿天

地即有雨也晴者心火也想遍天地炎炎

大火燒開自身炁宇乃晴也雪雹盡用陰

炁逆轉存陽先昇陰後降方知是也

一炁流通

炁乃元陽真炁隨意運行發生風雲雷雨

電也

渾淪磅礴

剛柔相摩八卦相盪鼓以雷霆潤以風雨

日月運行寒暑充滿之意

散為萬有

萬有者萬象也在天成象在地成形周流

生化此炁之運行也

聚為赤子

赤子吾身之真人人之修鍊要神炁混合

內鍊成丹則聖胎凝結

變為雷神

雷神亦元神之應化也人知動靜則通天

徹地呼風召雷斬馘邪妖驅役鬼神無施

不可即所謂將用自己元神是也

化為自己

自己者真性也寂然不動是也蓋所謂卷

之則退藏於密縱之則彌滿六合千變萬

化何者非我

先天先地一而已矣

天得一以清地得一以寧神得一以靈一

者炁也天地以炁而升降人身以炁而呼

吸能知守一之道靜則金丹動則霹靂故

侍宸云世人見一不識一一回存想一回

空

心火為神

心者主帥火發神行神竈法關炁宇軒昂萬神伏聽心神欵火也紅炁也

肝怒魂驚

肝者木也心火發肝神方怒自體魂驚我怒即上帝之怒鬼神執敢不懼聽令施行

肝神辛君也青炁也

脾神主意

脾中宮土也念頭急切有感皆通不疾而速不行而至動天地感鬼神人之至誠尚

能之况執法之士耶脾神使者也黃炁也

三帥化形

三帥者鄧辛張是也心為鄧帥肝為辛帥脾為使者意誠則使者至肝怒則辛帥臨

心火奮發則欵火降此三帥化形也

清濁初分

天地既判便有雷霆輕清之炁為天重濁之炁為地天為陽地為陰雷為陽靈為陰

便有五雷

五雷者金木水火土在人乃心肝脾肺腎

五炁相激剝便有五雷

下有五嶽

上應天之五星中應人之五藏下應地之

五嶽

五炁往來

五炁往來生生化化人能攢簇五行之炁

應變無窮

生旺基尅其義玄哉

五行生旺基尅方成造化如祈雨金水相生動雷金木相尅也此理玄奧非遇明師

口訣不可得知也

玄牝人門

玄牝祖炁也乃天地之根性命之本人能知此一竅為道則真為法則靈乃神炁之

化坎離之精

五炁之祖

玄牝為五炁之祖若要運用須是先閉五炁祖炁方有所養開晴致雨斡旋造化須

仗此發用

沈九天門

頭有九宮中為泥丸上帝所居泥丸運用

須從三關上直至此中方合乾坤造化

萬神之府

泥丸乃萬神之府又有陰神陽神之說混含萬神盡於此中聽候驅役

膽炁為雷

膽在肝中內有青炁膽怒赤炁聚五炁運入膽宮水火相搏雷聲動也膽雄肝怒念

炁成雷天怒大叱雷聲霹靂

意為使者

使者屬土居黃庭中使者使也隨意役用出口便是使者務在澄心定念口說意行

此先天一炁也

兩腎日月

右腎屬陰為月左腎屬陽為日雲霧纒起

先閉腎中日月然後吐出遮蔽天地

臍輪星斗

臍輪星斗人身八萬四千毫毛同八萬四

千周天躔度血為海潮炁成雲霧皆是工

夫實處

心為天罡

天罡然炁罡星在丑炁衝斗牛心怒則炁  
炁發行持之際以心大怒緊咬牙關炁  
忿怒而作以北方之炁一吹天傾地裂雷  
雨大作

水火成雷

腎水心火相搏雷聲大作正所謂相刑相  
害而雷雨大沛

金火掣電

金肺火心也以金尅木木返生火以制其  
金行持之際以兩手擦起心火頃刻屯蒙  
發雷電光現矣

水火風動

水肝火心也風巽方火木相尅木在東火  
在南肝怒則火發巽風大起可噓青炁向

巽方狂風大發

金水沛然

金肺水腎運肺液灌滿腎中方生雨露此  
乃金水相生  
土為中宮

脾屬土中宮乃黃庭木金水火無土不能

聚會

運轉五行

諸炁繞到黃庭乃都省也方可運轉五炁  
上朝帝闕

常朝上帝

五炁運轉朝禮上帝於泥丸宮返為嬰兒

即淨教始祖

泥丸之尊

上帝乃泥丸真人即我也

我口是教隨吾令行

號召萬神無不聽令

神非外神

神乃自己元神存精則炁全存炁則神全

非紙畫泥塑之比世人錯認者多

五炁之精

神乃五炁之精精存則神靈炁乃養精精

炁神全何法不靈

我炁自神

炁全神全自然通靈炁乃神之主抱元守

一神應無方

外神不靈

自己精炁神全何施不可向外求神實非  
明理空將酒物祭祀神明真炁耗散外神  
不靈

五戶不閉

五戶眼耳口鼻五戶不閉五炁不聚炁  
聚神凝天地方可交合

天地不合

地炁昇為雲天炁降為雨天地交合方生

雨露長養萬物

五炁不聚

世人行罡作訣念咒書符不識內中造化  
徒爾身衰炁竭五炁不知攢聚無尅制無  
蒸鬱五雷不動矣

五雷不生

炁無所聚不知尅剝五雷不生若金木相  
尅水火相搏五雷動矣五雷即五藏也

陰陽不蒸

陰陽水火也先行陽火遍身次行陰水縮

穀道放下水火相交引上崑崙便有雨也  
雨從何生

世人不知雨從何至須水火相蒸乾坤昇  
降方有雨也

若無屯蒙

屯蒙者鬱閉之義如析雨運用之時遍身  
冷汗沾水悽慘驚寒即大雨降

雨從何起

析雨之時冷汗先濕左臂東方雨起先濕  
右臂西方雨起濕於頭南方雨起濕於腎

北方雨起

屯蒙不發

不合陰陽造化屯蒙不發先須閉穀道運  
腎水至心外以兩手擦緊心火到煩怒電

光立現

電光不現

無怒怒心火不發因此電光不現要大怒  
叱咤雙目電迸渾身冰冷電光現矣

此神無炁

神炁無主無作用乃神無炁也正所謂擊

石得火炁壯神全何法不靈

何由而發

無運用無收閉無取吸不剛不強不忿不  
怒何由而發泄所謂有罪有訣愚人誇說  
無作無用賢人笑殺

心火不炎

心火炎熾大忿大怒性急將易降心不急

神不降

歛火不降

心神歛火也借事激起心火大怒大叱歛

火立降也

肝神不怒

心火既發肝神必怒大怒魂驚魄懼即將

至矣

辛帥不臨

心火發肝魂怒一志向前不搖不動是有  
主也

意無所主使者不行

脾神使者所主鐵定決要如此行事專心  
致志使者立便奉行所謂三帥化形

水火不交

心火腎水一時不交便生疾病火無水則

燥水無火則濫一昇一降水火均調方神

炁混合

神無所養

水火混融神強炁壯水火不交神衰炁竭

如人無食枯木無根漸至傾倒也

元神不完

積精生炁積炁生神精炁耗散神何所養

喪亡可待何法能為

元炁又短

元炁者祖炁也神為炁子炁為神母神強

炁壯神弱炁衰元神不完元炁短也

妄役鬼神

神炁耗散作用不靈徒然怒神罵鬼心生

疑慮返將神將輕視更無敬道之心

謂法不靈

徒尔行罡作訣不知返求諸已及乎無驗

便謂道法不靈此等之人良可嘆也

書符念呪笑殺世人



枉自書符念呪徒泥紙上玄文不知身中造化譬如爆竹無火何以致響達人智士咸笑此人不知道法之妙徒事朱墨欲其靈驗其可得乎

天地人物

天地人物無非陰陽生育人與天地均體同炁是可以參天地而贊化育也

一炁相感

天以炁下降地以炁上昇人之呼吸同天地之升降

古今聖賢

自古至今得道賢聖無非內積陰功外修實行方證仙階

一理貫通

此理人人具足箇箇圓成特患不能行爾古云勤而不遇終遇至人遇而不勤終為下鬼

茫茫九州四方萬里

茫茫九州之遠孰得而窮焉四方動輒萬里何處尋覓真師弟子尋師難師尋弟子

尤難常云尋箇好心人難得

何處尋師不如求己

吾身之中自有天地神炁之外更無雷霆若向外求畫蛇添足乃捨源求流棄本逐末也反求諸己清靜無為順神養炁何患

道不完法不靈耶

掌上玄機

人能明此歌中妙用真是乾坤歸掌內晴雨不由天

智中真旨

智藏奧妙之機應變無窮即此歌中之旨

知乎好學吾言畢矣

後進好學之士依此操修幸勿生疑此言決不誤人何處別去尋求非人勿示會得箇中之意得真傳者莫非宿幸得之而不

修者乃自暴自棄也得之而自信不及不能行者無他乃宿世惡業之深急宜速修把此心一旦改了無不成就也如得此文而不行即係竊竊道法其罪尤甚勉之道法會元卷之七十

道法會元卷之七十一同卷十二

虛靖天師破妄章

道生天地

混沌未分先有道道無形色亦無情自然化育生天地天道輕清地道寧

天地生人

道生天地始無名分別陰陽立五行人位其中靈萬物又從天地道生成

人稟陰陽

三才天地人同炁人稟先天一炁靈一炁具身名曰道感通天地及神明

一炁生三

一真真外更無真祖炁通靈具此身道一生三生妙用元精元炁與元神

人身三寶

元精元炁與元神三者無形亦有形運用得傳真可見光明無極是分明

一炁相關

雷乃先天炁化成諸天先聖總同真我身一炁相關合同祖同宗貼骨親